

Neum, 06.12.2007. godine
Broj: 488/07

**ZAPISNIK I ZAKLJUČCI SA PETE SJEDNICE
PREDSJEDNIŠTVA SAVEZA OPĆINA I GRADOVA
FEDERACIJE BOSNE I HERCEGOVINE**

U Neumu je dana **06.12.2007.** godine održana **Peta sjednica Predsjedništva Saveza općina i gradova Federacije Bosne i Hercegovine** (u daljem tekstu: Savez).

Sjednici Predsjedništva Saveza prisustvovalo je 10 članova, i to:

1. **g-din Ljubo Bešlić**, gradonačelnik Grada Mostara,
2. **g-din Amer Čenanović**, načelnik općine Ilidža,
3. **g-din Vlado Alilović**, načelnik općine Vitez,
4. **g-din Rasim Omerović**, načelnik općine Kalesija,
5. **g-din Ante Bošnjak**, načelnik općine Posušje,
6. **g-din Emir Bubalo**, načelnik općine Konjic,
7. **g-din Zdravko Prka**, načelnik općine Tomislavgrad,
8. **g-din Mustafa Kurtović**, načelnik općine Goražde,
9. **g-din Jasmin Emrić**, načelnik općine Bužim,
10. **g-đa Dragana Solaković**, (po ovlaštenju gradonačelnice Grada Sarajeva, Semihe Borovac),

Pored navedenih, sjednici su prisustvovali i: **g-din Ferhat Mustafić**, predsjedavajući Skupštine Saveza; **g-din Predrag Šupljeglav**, Načelnik odjela za organizaciju, pravne poslove i opću upravu - Grad Mostar; **g-đa Vesna Travljanin**, Sekretar Saveza; **g-đa Zlata Turkić**, Saradnik za komisije; **g-din Amir Kupusija**, Saradnik za odnose sa javnošću; **g-din Edin Demirović**, Saradnik za lokalnu samoupravu; **g-dica Šejla Hasić**, Viši saradnik za projekte i **g-đa Brankica Bašić**, Referent za administrativno-tehničke i knjigovodstvene poslove.

Sjednica Predsjedništva počela je u 17:40 sati.

G-din Ljubo Bešlić, predsjednik Predsjedništva pozdravlja prisutne i otvara Petu sjednicu Predsjedništva Saveza. Nakon konstatacije da sjednici prisustvuje većina članova Predsjedništva, stavlja predloženi Dnevni red na glasanje.

Dnevni red je jednoglasno usvojen.

1. **Usvajanje Zapisnika i Zaključaka sa Četvrte (vanredne) sjednice Predsjedništva Skupštine Saveza općina i gradova Federacije BiH**

G-din Bešlić stavlja prvu tačku dnevnog reda na razmatranje i usvajanje.

Prva tačka je jednoglasno usvojena.

2. Izvještaj o radu Predsjedništva Skupštine Saveza općina i gradova Federacije BiH za period mart – novembar 2007. godine

Uvodno obrazloženje po ovoj tački daje g-đa Travljanin, sekretar Saveza.

Nakon rasprave u kojoj je istaknuto da je Predsjedništvo Saveza u proteklom periodu uspješno radilo, **Izvještaj je jednoglasno usvojen**, i proslijeđen Skupštini Saveza na usvajanje. Odlučeno je da g-din Zdravko Prka izvijesti Skupštinu Saveza o radu Predsjedništva za period mart – novembar 2007. godine.

3. Izvještaj o radu komisija Skupštine Saveza općina i gradova Federacije BiH za period mart – novembar 2007. godine

Izvještaj o radu komisija Skupštine Saveza **jednoglasno je usvojen**, te je odlučeno da izjavitelj za Skupštinu po ovoj tački bude Mensur Jašarspahić-Suri, predsjednik Komisije za prostorno uređenje, stambeno-komunalne djelatnosti i zaštitu životne okoline.

4. Personalne promjene u komisijama Skupštine Saveza općina i gradova Federacije BiH

Predsjednik Predsjedništva daje riječ g-đi Turkić koja izvještava Predsjedništvo o personalnim promjenama u komisijama. Upoznaje Predsjedništvo o unaprijed dogovorenim i usaglašenim promjenama koje treba verifikovati na Skupštini Saveza.

G-din Bešlić stavlja na glasanje Prijedloge odluka o personalnim promjenama u komisijama Skupštine Saveza.

Prijedlozi Odluka su jednoglasno usvojeni.

G-đa Travljanin predlaže da se g-din Hajrudin Katardžić, sekretar organa državne služne, općina Zavidovići, angažuje kao stalni ekspert za rad u Komisiji za ustavna i zakonodavna pitanja, što je jednoglasno podržano.

5. Usvajanje prijedloga odluke o visini članskog doprinosa za finansiranje aktivnosti Saveza općina i gradova Federacije BiH

Sekretar Saveza g-đa Travljanin izvještava o problemima sa kojima se susreće Savez u prikupljanju članarina i upoznaje ih o novom prijedlogu Odluke o visini članskog doprinosa za finansiranje aktivnosti Saveza.

G-din Prka se javlja za riječ i predlaže da bi iz općinskog budžeta koji je uzet kao osnovica za izračunavanje visine članarine Savezu trebalo odvojiti namjenska sredstva, grantove, kredite i zaduženja.

G-din Bešlić predlaže nultu kategoriju za općine sa budžetom do 1.500.000,00.

G-din Rasim Omerović predlaže da Savez snosi troškove dnevnica i puta za dolazak članova Predsjedništva na sjednice.

G-din Emir Bubalo predlaže da Savez angažuje eksperte koji bi radili na izmjeni konkretnih zakona koji se tiču lokalne samouprave, izradi amandmana i, nakon uspješnog ishoda u donošenju istih u parlamentarnoj proceduri, za to budu adekvatno materijalno nagrađeni, za što bi troškove snosile općine solidarno.

G-đa Travljanin napominje da je takvih prijedloga bilo i ranije i da je to nešto što imamo u planu.

G-din Bešlić smatra da je potrebno formirati poseban budžet za troškove rada Predsjedništva i eksperata (namjenski budžet).

G-din Omerović iznosi mišljenje da je predložena Odluka o finansiranju manjkava jer se u njoj ne nalazi zbirno koliko će koja općina plaćati. Potrebno je priložiti potrebe Saveza za uvećanjem

budžeta. Ovo je paušalno rađeno. Potrebno je prvo iskazati planirane rashode Saveza za 2008. godinu, pa na osnovu toga, kreirati budžet za 2008. godinu.

G-din Bešlić i g-din Omerović predlažu da se prvo usvoji budžet Saveza za 2008. godinu pa onda Odluku o članskom doprinosu za finansiranje aktivnosti Saveza koja bi se usvojila na sljedećoj Skupštini Saveza.

Prijedlog je jednoglasno usvojen.

Usvojeno je da se Prijedlog odluke o visini članskog doprinosa doradi sa iznesenim primjedbama.

6. Donošenje odluke za raspisivanje konkursa za slobodna i upražnjena radna mjesta

G-đa Travljanin upoznaje Predsjedništvo o potrebi za raspisivanjem konkursa za upražnjeno radno mjesto „Asistent za lokalnu samoupravu“ koje je predviđeno Pravilnikom o unutrašnjoj organizaciji i sistematizaciji radnih mjesta u Stručnoj službi Saveza općina i gradova FBiH.

Prijedlog odluke je **jednoglasno usvajan.**

7. Tekuća pitanja

G-din Ferhat Mustafić predlaže da se pokrene inicijativa da Savez za svoje i potrebe općina u Federaciji izgradi prostorije u Sarajevu. Predlaže da se u tu svrhu jedan dio sredstava proba dobiti od međunarodnih organizacija, a ostalo kroz kreditna zaduženja i pomoć članica, te da načelnici iz sarajevskih općina pomognu Savezu u pronalaženju lokacije za gradnju, a da se, ako treba, na jednoj od narednih sjednica Predsjedništva ova inicijativa detaljnije razradi.

G-din Bešlić predlaže da se uputi pismo namjere načelnicima sarajevskih općina za pomoć u iznalaženju povoljne lokacije.

Prijedlog se stavlja na glasanje, te je **jednoglasno usvojen.**

G-din Bešlić predlaže da se izmjeni termin održavanja predloženih tačaka Dnevnog reda za drugi dan rada Kongresa lokalnih vlasti (07.12.2007.g.), što je **jednoglasno usvojeno.**

Sjednica Predsjedništva Saveza je završena u 18:30 h.

Predsjednik Predsjedništva Saveza
Ljubo Bešlić, s.r.